



LENGHIS

Laboratori di Didatiche Interatîf

Lenghis al è pensât par sei un strument didatic pe lenghe furlane intun contest di insegnament plurilengâl. Il so intindiment al è di meti a disposizion dal insegnament de lenghe furlane un strument te modalitât informatiche, flessibil pal aspîet de sô utilizazion didatiche sui tancj nivei e daûr lis tantis esigjencis, che si puedi difondi cun facilitât traviers la rê, tâl meti a disposizion di ogni utent e scuele cun rapiditât i siei contignûts, superant i coscj di difusion e dai sussidiaris in cjarte.

Lenghis al consist intune **Biblioteche digitâl** e intun **Laboratori di esercitazioni** linguisticis par une o plui *lenghis* in rapuart mutuâl.

La Biblioteche e pues contignî tescj di plui gjenars, in primis il libri pe leture e il test par esercitazioni linguisticis di diferente tipologjie.

Il Laboratori al consist intun 'gjeneradôr' di unitâts di ativitât o esercitazioni di diferente tipologjie par ogni test inserît par chest intindiment e intune 'lavagne' pes esercitazioni stessis.

Lenghis si utilize tai laboratoris informatics des scuelis o tes aulis singulis midiant lavagne luminose o videoproietôr.

Lenghis al pues jessi distribuît pe sô utilizazion su la rê Internet. La sô Biblioteche e pues jessi inricjide cence limit e e pues jessi difondude te rê a disposizion di ogni utilizadôr come che e pues jessi personalizade di un utent singul.

I tescj pe utilizazion didatiche a puedin sei il test discorsîf ordenari, naratîf, poetic, di cualsisedi gjenar cun o cence audio, listis di peraulis o expressions, imagjins e vôs associadis a peraulis.

Lis tipologjii di esercitazioni a consistin te semplice leture, te scolte, tal meti in corrispondence tescj e/o peraulis scrits/is di plui *lenghis* cul clic de surîs, tal scrivi la corrispondence domandade, tal completâ frasis o listis cun parts che a mancjin, tal ordenâ listis. Dut chest doprant une lenghe sole o plui *lenghis*, une in funzion di chê altre.

Pe plui part des tipologjii di esercitazion a son pussibilis variantis.

La flessibilitât di *Lenghis* par chel che al rivuarde lis tantis tipologjii e variantis di ativitâts e permet di graduâ lis dificolts des esercitazioni daûr des esigjencis didaticis, ven a stâi daûr des competencis di partence dai arlêfs singui e des classis o dai insegnants stes in relazion a ogni lenghe e daûr dai obietîfs che si intint di rivâ.

I insegnants che no vessin competencis sufficientis te lenghe furlane scrite, considerade la flessibilitât di *Lenghis*, a podaressin cressilis e miorâlis cun *Lenghis* parie cui lôr arlêfs.

Lenghis al permet di verificâ tal davuelziment des tantis esercitazioni la presince di fai eventuâi pe misurazion dal aprendiment e plui in gjenerâl e permet di misurâ aspîets impuartants dal aprendiment linguistic stes.

Lenghis al è pensât in primis pal insegnament de lenghe furlane ma al pues jessi doprât par ogni lenghe e alfabet. In *Lenghis* la lenghe furlane e pues jessi asociade a ogni lenghe, ae lenghe taliane o a altre lenghe, in mût che l'aprendiment di ognidune al puedi gjavâ un vantaç compagn. In particolâr, la lenghe furlane e pues jessi tratade te forme de coinè o lenghe comune o te forme di une des sôs variantis gjeografichis internis.

Informazion pai insegnants:

al è pussibil domandâ un incuintri di presentazion dal strument Lenghis e, in maniere seguitive, un percors formatîf par inviâ la sperimentazion didatiche dentri dal istitût.

Par gjoldi di cheste oportunitât, in forme gratuite, si pues scrivi a: arlef@regione.fvg.it, segnant ducj i dâts (non, cognon, materiis insegnadis, istitût di riferiment). Daspò dai incuintris propedeutics, al sarâ pussibil domandâ il program didatic ae ARLeF, che e comunicarà il numar di licence, sore nuie.

Specifichis tecnicis Lenghis:

Contignûts: une biblioteche digjitâl cun tescj di cualsisedi gjenar e un laboratori di esercitazioni di leture, di scolte, e di completament.

Lenghis dopradis: cualsisedi lenghe e alfabet; la lenghe furlane e pues jessi tratade inte forme comune o in chê des sôs variantis gjeografichis

Valutazion didatiche: Lenghis al permet di verificâ e di valutâ i aspiets dal aprendiment linguistic, graduant la dificolât di esercitazion, daûr lis competencis di base e dai obietîfs di rivâ.

Supuarts necessaris pal ûs otimâl: videoproietôr o lavagne luminose, colegament internet

Par informazions:

ARLeF Agenzie Regjonâl pe Lenghe Furlane

www.arlef.it

Claap Centri di Linguistiche Aplicade Agnul Pitane

www.claap.org